



30. april 2024

UPA2024/98

Jens NapātōK', Naleraq

**Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara: Inatsisartut isummerfigisassaattut siunnersuut, Naalakkersuisut peqquneqassasut naartunermi, erninermi meeravissiartaarnermilu sulinngiffeqartarneq pillugu Inatsisartut inatsisaata nr. 5 19. november 2020-imeersut allangortinneqarnissaanik imaasillugu, angajoqqaatut sulinngiffeqarneq sapaatit akunnerinit 21-nit sapaatit akunnerinut 37-inut sivitsorneqassasoq aammalu angajoqqaat kiffaanngissuseqarlutik namminneq sulinngiffeqarnermik aaliangiisinhaassasut.**

(Inatsisartunut ilaasortaq Anna Wangenheim, Demokraatit)

## **Siullermeernera**

Inatsisartunut ilaasortaq Anna Wangenheim, Demokraatit sinnerlugu siunnersuutigisannut qujaffigaatigit siunnersuutigisallu Naleqqamiit imatut oqaaseqarfingissavarput.

Inatsisartut suleriaasianni § 33 naapertorlugu aalajangiiffigisassatut siunnersuut saqqummiussaq, Naalakkersuisut peqquneqassasut naartunermi, erninermi meeravissiartaarnermilu sulinngiffeqartarneq pillugu Inatsisartut inatsisaata nr. 5 19. november 2020-imeersut allangortinneqarnissaanik siunnersut.

Angajoqqaatut sulinngiffeqarneq sapaatit akunneri 21-nit sapaatit akunneri 37-inut sivitsorneqassasoq siunnersuummi saqqummiunneqarpoq aammalu angajoqqaat kiffaanngissuseqarlutik namminneq sulinngiffeqarnermik aaliangiisinhaassasut ilangullugu allanguutissami siunnersuummi saqqummiunneqarluni.

Siunnersuuteqartup oqarneratuut 2019-imi upernaakkut ataatsimiinnermi suliaq saqqummiunneqarmat meerartaarnermi sulinngiffeqarnermi sivitsuisariaqarneq Naleqqamiit sakkortuumik tapersersueqataaffgisimavarput aammalu sivisunerusariaqarneranik taamanikkut ilungersuuteqarnerput tusaaneqarsimasuuppat uani siunnersuut qaqileqqinnissaa pisariaqarsimassanngikkaluarpoq.



Naleqqamiit politikkikkut pingaartitarilluinnarpaput nunatsinni ilaqtariit atugaat pitsasuuusariaqarluinnartut aammalu meeqqat naligiittut pitsasumik ineriarorlutik atugaqarnissaat pingaartillugu ilanngullugu Naleqqamiit saqqummiuttarsimavarput.

Inuiatigiinni ilaqtatt tunngaviunerat taamatullu meeqqap anaanaasup naavaniinneraniit toqqissimasumik pitsasumillu inisisimanissaat pingaruteqarluinnartuupput. Angajoqqaat toqqissimasut meeqqamut pingaartorujussuuput taamaammallu inorlaamut piffissaq siulleq atugarissaarluni inisisimanera ilutigalugu ineriarorneranut annertuumik aaliangiisuuvvoq.

Ilaqtaariit pitsasumik inisisimallutik angajoqqaat pitsaanerpaamik inisisimallutik aallartinnissaat ajunngitsunik toqqissimanartumillu sinaakkusornissaat Naleqqamiit pingaartillutigu saqqummiittuartarparput.

Naalakkersusiut siammasissumik aaqqiiniarnerat aammalu anaanaaqataasut taamatullu ataataqataasut pillugit taamatullu angajoqqaat suaqatigiit pisinnaatitaaffii periarfissaallu pillugit nassuaammik suliaqarnerat naammassinissa qilanaaraarput inatsisartut ukiamut ataatsimiinitsinni saqqummiunneqarumaartussamut.

Ataatsimut aaqqissusseqqinnissamik Naalakkersuisut ammallutik oqariartornerat Naleqqamiit tusaaniarparput tassalu siunnersuuteqartup sivtsuinissamik siunnersuuta kisimi pinngikkaluarlugu ataatsimut isigalugu iliuuserisinnaasut pitsanngoriataasinnaasut amerlasuut eqqarsaatigalugit Naalakkersuisut erninermi sulinngiffeqartarneq pillugu malittarisassat iluarsaannejarnissaannut piffissangortoq oqariartuitigisaat Naleqqamiit nuannaajallaatigeqaarput, ilami qinersivik siulermi uanilu siunnersuutit saqqummiunneqaraangata tamanna ilungersuutigalugu ataatsimut immikkoortitsiffiunngitsumik saqqummiisoqarnissa pingaartillugu saqqummiisarnikuugaluaratta maanna kiisami iliuuseqartoqarniarpasilermat Naleqqamiit tusarluaqaarput – qinersivik qanilliartulersimaqaaq neriorsuutaasinnaasut saqqummertaleqaat, naak timitalersornissaat toqqaannaq oqaatigineqaratik iluarsaanissamik taaneqaannaraluartoq.

Naalakkersuisut iluarsaassinissamik siunnersuuteqarlutik akissuteqaataannut ilangullugu aammaarluta suliarineqarnissa kaammattutigeqqissavarput Piniartunut nuliaasut Aalisartunut nuliaasut taamatullu namminersortut namminersortunullu nuliaasut pissakinnerusunillu inisisimasut meerartaarnerminni sulinngiffeqarnersiutigisartagaasa annikippallaarujuussuarneri ilanngullugit



aaqqissuussiffgineqarnissaat aammaarluta Naleqqamiit kaammattutigeqqissavarput, ilami ilumoorsinnaanngilaq nunap inui taamatut immikkoortitaallutik nalikinnerusutut isigisaallutik inisisimajuarnissaat akuersaarneqaannarluni nipangersimaannassasugut, uagut Naleqqamiit taakku ilungersuutigisatta ilanngullugit aaqqiiffgineqarnissaat sakkortuumik kaammattutigeqqippagut neriu uppugullu aaqqinnejarnissaanut Naalakkersuisut neriorsuiinnaratik aaqqiissutissaanik saqqquumiissasut, ilami ilumoorsinnaanngilaq Naleraq siuuttuulerpat aatsaat tamakku aaqqinnejarlutik inissinneqassasut.

Taamatut oqaaseqaateqarluta Inatsisartut aaliangiiffisassaattut siunnersuut akuerineqarnissaa taamatullu malittarisassat iluarsanneqarnissaat pillugu Naalakkersuisut akisuuteqaatiminni ilanngussaat Naleqqamiit tigulluarlutigu neriuutigeqaarput qaqiliktagut piniartut aalisartut namminersortut taamatullu pissakinnerusut nalikinnerusumik inisisimatinneqarnerat qimallugu ilanngullugit suliarissagaat. Ilami meeqqat assigiippu naligiimmik assigiimmillu aaqqiiffgisariaqartarneri atuutilertariaqartoq Naleqqamiit isumaqaratta.

Qujanaq.